

DITAME DA COMISIÓN INFORMATIVA DE TRANSPARENCIA, RÉXIME INTERNO E FACENDA ADOPTADO NA SESIÓN ORDINARIA DO DÍA 22 DE MAIO DE 2026.

**ASUNTO: PROPOSICIÓN DA PRESIDENCIA PARA MODIFICACIÓN DA
RELACIÓN DE POSTOS DE TRABALLO DO PERSOAL
EVENTUAL. (EXPTES.- 2026040781 - 2025070722).**

O Presidente da Deputación Provincial de Pontevedra elaborou para someter ao Pleno da Corporación Provincial, unha proposición para modificar a relación de postos de traballo do personal eventual, asinada con data 18 de maio de 2026, co obxecto de transformar un posto de asesor/a de prensa dotado cunha retribución anual de 48.467,17 euros, nun posto de director/a de acción municipal e investimentos cunha retribución anual de 65.699,95 euros.

O Presidente da Comisión somete a debate a proposta de acordo sobre a proposición da Presidencia para modificación da relación de postos de traballo do persoal eventual, asinada con data 18 de maio de 2026 pola Xefa do Servizo de Recursos Humanos e Formación e polo Deputado Delegado de Turismo, Transparencia e Administración Xeral, cuxo contido é o seguinte:

“De conformidade co disposto nos artigos 104 e 104 bis da Lei 7/85, de 2 de abril reguladora das bases de réxime local, 176 do RDL 781/86, de 18 de abril, polo que se aproba o texto refundido de disposicións legais vixentes en materia de réxime local, 12 do Real decreto lexislativo 5/2015 de 30 de outubro, polo que se aproba o texto refundido da Lei do estatuto básico do empregado público, e 29 a 31 e 201 da Lei 2/2015 de 29 de abril, de emprego público de Galicia, ACÓRDASE: modificar a relación de postos de traballo de persoal eventual, de confianza e asesoramento especial, para transformar un posto de asesor/a de prensa, nun posto de director/a de acción municipal e investimentos, equivalente a un subgrupo A1, co fin de reforzar e dar maior apoio ás liñas de actuación que derivan desta área de goberno.

Dita modificación implica a amortización do posto anterior e a creación dun novo posto, con distintas funcións e retribucións, o que se leva a cabo conforme ao seguinte detalle:



Posto anterior que se amortiza

<i>Custo total por 6 meses</i>	<i>Retribución anual</i>	<i>Retribucións 6 meses</i>	<i>Seg. social 6 meses</i>	<i>Total 6 meses 2026</i>
<i>1 Asesor/a de prensa</i>	48.467,17 €	24.233,59 €	7.701,44 €	31.935,02 €

Posto de nova creación

<i>Custo total por 6 meses</i>	<i>Retribución anual</i>	<i>Retribucións 6 meses</i>	<i>Seg. social 6 meses</i>	<i>Total 6 meses 2026</i>
<i>1 Director/a de acción municipal e investimentos</i>	65.699,95 €	32.849,98 €	10.439,72 €	43.289,70 €

<i>Custo total por 6 meses</i>	<i>Retribución</i>	<i>Retribucións 6 meses</i>	<i>Seg. Social 6 meses</i>	<i>Total 6 meses 2026</i>
<i>Diferenzas</i>	17.232,78 €	8.616,39 €	2.738,29 €	11.354,68 €

O aumento do custo salarial total para este ano 2026, por seis meses, ascende a 8.616,39 € en concepto de retribucións, e 2.738,29 € en concepto de seguridade social, cantidades que se imputaran ás aplicacións orzamentarias 26/912.9120.110.01 e 26/912.9120.160.02.

Na resolución de nomeamento indicárase o contido das funcións, tarefas ou labores encomendadas, propios dos servizos xerais da Corporación Provincial para a súa posterior inclusión na relación de postos de traballo da Corporación.

Esta retribución será actualizada en función do establecido na Lei de orzamentos xerais do Estado de cada ano.

Este acordo será publicado na forma prevista no apartado 5 do artigo 104 bis da LRBRL, e no portal de transparencia da Deputación en aplicación do artigo 8.1 f) da Lei 19/2013, de 9 de decembro, de transparencia, acceso á información e bo goberno, así como os respectivos nomeamentos do persoal eventual.

O presidente da Deputación Provincial informará ó Pleno con carácter trimestral do número, características e retribucións do persoal eventual.”

Unha vez debatido o asunto e segundo o establecido nos artigos 32 da Lei 7/1985, de 2 de abril, reguladora das bases do réxime local, 52 do Regulamento orgánico da Deputación de Pontevedra e 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, sométese a votación a



proposta de acordo correspondente á proposición da Presidencia para modificación da relación de postos de traballo do persoal eventual, asinada con data 18 de maio de 2026 pola Xefa do Servizo de Recursos Humanos e Formación e polo Deputado Delegado de Turismo, Transparencia e Administración Xeral.

O resultado da votación foi o seguinte:

1. **Votos a favor: (9)**, do grupo provincial do Partido Popular.
2. **Votos en contra: (0)**, ningún.
3. **Abstencións: (8)**, sendo (6) do grupo provincial PSdeG-PSOE e dúas (2) do grupo provincial do BNG.

A Comisión Informativa de Transparencia, Réxime Interno e Facenda ditamina favorablemente a proposta de acordo sobre a proposición da Presidencia para modificación da relación de postos de traballo do persoal eventual, cos votos a favor das Deputadas e Deputados do grupo provincial do Partido Popular, e coas abstencións das Deputadas e Deputados dos grupos provinciais do PSdeG-PSOE e do BNG.

O Secretario da Comisión
Asdo.: José Antonio Gulías Varela.
(Documento asinado electrónicamente á marxe)

